

مادہ : ۶ سالف الیابان تخصیصات فوق المادہ تک ایلول ۱۳۳۲
ابتداسندن بالا اعتبار حرب عمومی تک نہایتہ قدر تسویہ سنہ دوام اولو نہ بقدر .

رئیس — یدنجی مادہ بہ کیلمہ سی قبول ایدنر لطفآل قالدیرسون :
قبول اولوندی .

مادہ : ۷ اشبو قانون تاریخ نشرندن اعتباراً مرعی الاجراد .
مادہ : ۸ اشبو قانونک اجرانہ اوقاف ناظری مأمورد .
۲۳ ذی القعدہ ۱۳۳۴ ۸ ایلول ۱۳۳۲

رئیس — بوقانونک ہیئت عمومی سی قبول ایدنر لطفآل قالدیرسون :
علیندہ بولونانر ال قالدیرسون :
قانون قبول ایدلشد .

۱۳۳۲ عدلیہ بودجہ سنک جرائم مصارف عمومی سی مادہ سنہ
۵۰۰۰۰۰۰۰ فررسہ ہمدروسی حقنہ بودجہ قانونیہ

مادہ : ۱ بیک اوج بوز اوتوز ایکی سنہ سی عدلیہ بودجہ سنک
یدنجی فصلک دردنجی جرائم مصارف عمومی سی مادہ سنہ درت یوز
بیک غروش علاوہ اولونشد .

رئیس — ایکنجی مادہ بہ کیلمہ سی قبول ایدنر لطفآل قالدیرسون :
قبول اولوندی .

مادہ : ۲ اشبو قانون تاریخ نشرندن اعتباراً مرعی الاجراد .
مادہ : ۳ اشبو قانونک اجرانہ عدلیہ و مالہ ناظری مأمورد .

رئیس — قانونک ہیئت عمومی سی قبول ایدنر لطفآل قالدیرسون :
علیندہ بولونانر ال قالدیرسون :
قانون قبول ایدلشد .

مادہ : ۴ خمریہ خاص نام حسابہ کلہ جک اشیا تک کورمورک سمنہ
استثناسی حقنہ بودجہ قانونیہ
قوانین مالہ انجمنک تکلی

مادہ : ۱ نقلت اشیا اوزرندن رسم اخذی حقنہ ک قانونہ
مواد آتہ تذیل ایدلشد .

مادہ : ۲ ذات حضرت پادشاهیہ و سرای مہونلریہ تابد
اولہرق ممالک اجنبیہ دن کلہ جک بالمصوم اشیا کورمورک رسندن مصافدر .
موازتہ مالہ انجمنک تکلی

کورمورکلر کجہ نقلت اشیا اوزرندن رسم اخذی حقنہ ک
۱۸ جمادی الاولی ۱۳۳۴ ۱۰ مارٹ ۱۳۳۲ تاریخل قانونک دودنجی
مادہ سنہ فقرہ آتہ تذیل ایدلشد :

تاک عشر — ذات حضرت پادشاهیہ و سرای مہونلریہ
تابد اولہرق ممالک اجنبیہ دن کلہ جک بالمصوم اشیا .

رئیس — فرق ، بالکر شکل فرقتن عبارتدر . حکومت ،
آیری برماہہ صورتندہ لازمش . قوانین مالہ انجمنی ، آیری برماہہ
سورندہ قبول ایتمش . موازنہ مالہ انجمنی دہ اساساً موجود اولان
بر قانونہ علاوہ صورتندہ قبول ایتمش ، فرق بودر . اساساً ماہیت

وخصصاتی وسائرہ فصلک برنجی خیرات شرفہ خدمہ وظائف
وسالیہ وخصصاتی وسائرہ مادہ سی ایلہ بشنجی استانیول ولایتیہ
ولایات سائرہ ادارات وقفیہ معاشاتی وسائرہ فصلک اوجنجی
حرمین الشریفین صرہ سی نامیلہ ارسال اولان ماشات وخصصات
ومصارف سائرہ مادہ سنندن و سکرنجی استانیول ولایتیہ ولایات سائرہ
خیرات مدورہ سی فصلک برنجی جوامع خدمہ سی مادہ سنندن صرف
خدمت فعلیہ مقابل اولہرق شہری ویاسنوی وظیفہ آلفدہ اولان خیرات
شرفیہ خدمہ سنندن وظیفہ شہریہ سی ویاخورد عہدہ سنندہ متعددہ جہات
اولوبدہ اشبو جہاتہ محصص وظائف شہریہ سی مجموعی بیک غروشندن
فضلہ اولانلرہ یوزدہ اون بش نسبتندہ و بیک غروشندن دون ایسہ
(بیک غروش داخل) یوزدہ بکری نسبتندہ تخصیصات فوق المادہ
شہریہ اعطا اولونہ بقدر . دیگر طرفندن آبروجہ تخصیصات فوق المادہ
شہریہ تابع معاشات ویا اجرتی اولان خدمہ بہ وظیفہ فرندن دولابی
آبروجہ تخصیصات فوق المادہ شہریہ ویرلہ بہ جکدر .

رئیس — اوجنجی مادہ بہ کیلمہ سی قبول ایدنر ال قالدیرسون :
علیندہ بولونانر ال قالدیرسون :
کیلمہ سی قبول اولوندی .

مادہ : ۳ سالف الذکر تخصیصاتن کرک ماہدات تقاعدیہ و حرب
ورکوسی و کرک طرق ولایت حصہ سی وسائر نام ایلہ برکونا توقیفات
اجرا ایدیلہ جکی کجی اشبو تخصیصاتک بین مقابلندہ حمزی دخی جائز
اولہماز و تقاعد و معزولیت و ایتم معاشی تخصیصات دہ نظر اعتبارہ آلتاز .
رئیس — دودنجی مادہ بہ کیلمہ سی قبول ایدنر لطفآل قالدیرسون :
علیندہ بولونانر ال قالدیرسون :
کیلمہ سی قبول اولوندی .

مادہ : ۴ اشبو قانونک حکمی نشری تاریخندن سکرہ مجدداً
و علاوہ تخصیص اولونہ جق ماشات ووظائفہ دخی شاملدر .

رئیس — بشنجی مادہ بہ کیلمہ سی قبول ایدنر لطفآل قالدیرسون :
علیندہ بولونانر ال قالدیرسون :
کیلمہ سی قبول اولوندی .

مادہ : ۵ اشبو تخصیصات فوق المادہ تک تسویہ سی ایچون اوقاف
نظارتک ۱۳۳۲ سنہ سی بودجہ سنندہ کشاد ایدیلہ جک فصل مخصوصہ
مجدداً آتی یوز آتمش بیک غروش ترقیم ایلہ برابر مذکور بودجہ تک
برنجی ماشات فصلک برنجی ناظر معاشی مادہ سنندن یوز اون بیک
و فصل مذکورک بشنجی قاعد صندوقہ ویرلہ جک ماشات فضہ سی
مادہ سنندن دی یوز فرق بیک و سکرنجی استانیول ولایتیہ ولایات
سائرہ خیرات مدورہ سی فصلک اوجنجی منحصرأ خزینہ خاصہ دن
مدور خیرات و میرات تصیریاتی قارشولنی مادہ سنندن درت یوز بیک
واوئی مرکز و ولایات مصارف مشترکسی فصلک برنجی مرکز
واستانیول ولایتیہ ولایات سائرہ انشآت و تصیریاتی مادہ سنندن بر
میلیون غروش نقل اولونہ بقدر .

رئیس — آتنجی مادہ بہ کیلمہ سی قبول ایدنر لطفآل قالدیرسون :
قبول اولوندی .

لوائح قانونیه مذاکراتی

- ۲۹۶ - حربك دوامی مدته مأمورین و مستخدمین اوقاف معاشاته اجرا قیله جن ضامن حقدنه قرارنامه .
- ۱۳۳۲ عدلیه بودجه سنك جرائم مصارف همو به سی ماده سه
- ۲۹۹ « ۴۰۰۰۰۰ » غروش علاوه سی حقدنه لایحه قانونیه .
- ۲۹۹ - خزینه خاصه نام و حسابك كلكب اشیا نك كورسوه رسندن استثناسی حقدنه لایحه قانونیه .
- ۲۹۹ - قانون جزائك بوز آلتش آلتبی ماده سی ذیلك قره اخیره سی معدل قرارنامه .
- ۳۰۱ - مكتب حربی دن باشهادنامه نثأت ایدنرك ضابط و کلیه توابله قطعاته صورت استفاده مرتبه متدائر اولوب مجلس اعیان دن
- ۳۰۲ - تمديلاً اعاده قیلان لایحه قانونیه اوزرینه عسكری انجمنی مضطه سی .
- ۳۰۲ - مكتب حربی دن باشهادنامه نثأت ایدنرك قطعاته صورت توزیع و استفاده مرتبه دائر اولان قانون موقت برنجی ماده سی معدل قرارنامه .
- ۳۰۲ - عسكری قاعده استفاده قانونك برنجی ماده سه ذیلاً لایحه قانونیه .
- ۳۰۲ - ضابطان و منسوبین عسكریه بك وطنیه و باعرب دولایسه تلف و ضایع اولان حیواناتك صورت تقسیمی حقدنه قرارنامه .

بدأ مذاكرات

دقیقه ۱۰
ساعت ۲

[رئیس : حسین جاهد بك افندی]

ضبط سایر قرائتی

رئیس - مجلس آجیلدی ، ضبط سابق اوقوناجق . (کاتب فائق بك ضبط سابق خلاصه سی اوقور) ضبط سابق حقدنه بر معالنه واری اقدم ؟ ضبط سابق قبول ایدلشد .

اوراق وارده

رئیس - ۱۳۳۲ تجارت و زراعت بودجه سنك بعض فصول و موادیه جمماً « ۳۶۴۹۰۰ » غروش تخصیصات فوق العاده علاوه سی حقدنه کی لایحه قانونیه تمديلاً اعیان دن اعاده ایدلدی . بو . موازنه انجمنه کیدیور .

رئیس - ۱۳۳۲ بودجه سنك بعض فصول و موادیه جمماً « ۲۵۴۰۰۰ » غروش علاوه سی حقدنه کی لایحه قانونیه تمديلاً اعیان دن اعاده ایدلدی . موازنه ماله انجمنه حواله ایدیورز .

انجمنه دره میقاهه مضطه لر :

رئیس - موازنه ماله انجمنندن چیقان برطاق مضطه لر وار : عسكری قاعده و استفاده قانونیه ذیلاً قرارنامه واشبو قرارنامه نك جهت بحریه یه تشمیل حقدنه کی قرارنامه اوزرینه موازنه ماله انجمنی مضطه سی .

۱۳۳۲ ماله بودجه سنك « ۹۰ » نخی فصلنك « ۴ » نخی ماده سه اوج میلیون غروش علاوه سنه دائر لایحه قانونیه اوزرینه موازنه ماله انجمنی مضطه سی .

معینسز افراد عسكریه مظهریسه ورنكده اولان معاشارك معیارنك شهادت و با مملولاً اخراجلرندن سوكره قطع اولوناماسنه دائر

قره سی مبعوثی حسین قدری بك ایله تكفور طاشی مبعوثی هارون حلمی افندی نك تكلیف قانونی لایحه سی اوزرینه موازنه ماله انجمنی مضطه سی .

عسكری قاعده قانونك « ۹۱ » نخی ماده سی تمديلاً فقرات موقه قانونیه اوزرینه موازنه ماله انجمنی مضطه سی .

جبل لبنان سنجانی تشكیلاتی ایجون ۱۳۳۲ سنه سی دوائر بودجه لر نه « ۱۷۷۹۶۲۰ » غروش تخصیصات فوق العاده علاوه سنه دائر قرارنامه اوزرینه موازنه ماله انجمنی مضطه سی .

حیصانه و توفیقخانه لر مصارف ایجون ۱۳۳۲ داخلیه بودجه سنه « ۱۱۱۰۰۰۰ » غروش تخصیصات فوق العاده اعطاسنه دائر قرار نامه اوزرینه موازنه ماله انجمنی مضطه سی .

اكلكك تدارك ایجون ماله نظار حقه مطشره بلدی لر نه « ۱۰۰۰۰۰ » لیرا قدر آوانس اعطاسی حقدنه قرارنامه اوزرینه موازنه ماله انجمنی مضطه سی . حلب و سوریه و ایلاترله اورفه سنجاننده تخریر نفوس ایجون

۱۳۳۲ داخلیه بودجه سنه « ۱۰۰۰۰۰۰ » واملاك و اراضینك تخریری ایجون سنه مذكوره ماله بودجه سنه « ۲۰۰۰۰۰۰ » غروش تخصیصات فوق العاده علاوه سی حقدنه قرارنامه اوزرینه موازنه ماله انجمنی مضطه سی .

چكره ك مصارف اتلافیه سی ایجون ۱۳۳۲ تجاروت و زراعت بودجه سنه « ۲۰۰۰۰۰۰۰ » غروش ده تخصیصات فوق العاده علاوه سنه دائر قرار موقت اوزرینه موازنه ماله انجمنی مضطه سی .

بونلر موازنه ماله انجمنندن چیقشدر . صیراسیله روزنامه یه وضع اولونجه قدر .

لوائح قانونیه مذاکراتی

حربك دوامی مدته مأموریه و مستخدمین اوقاف معاشاته اجرا قیله جن ضامن حقدنه قرارنامه .
رئیس - روزنامه یه باشلا بورز . « ۱۱۵ » نومرولی قرارنامه یی مذاكره ایده چكز .

ماده : ۱ اوقاف نظارتك مركز و مطشره یه یوزده اون ایکی مائدت قاعده و یرمك صورتیه معاش آلان مأمورین و مستخدمین ایله عسكریه كیدنرك معاشاتی موقوفاتندن اجرت آلان مأمورین و مستخدمیندن معاش و اجورانی بیک غروشه قدر اولانلره معاش و اجرتلر نك یوزده یكری میسی و بیک بر غروشدن یدی بیک بش یوز غروشه قدر (یدی بیک بش یوز غروش خارج) معاش آلانلره معاش و اجرتلر نك یوزده اون بشی نسبتده تخصیصات فوق العاده شهره اعطای ایدیلجه قدر .

رئیس - ماده حقدنه سوز ایستین واری ؟ ایكنجی ماده یه كیلیمه سی آرزو ایدنلر ال قالدیرسون ؛
علینده بولونانلر ال قالدیرسون ؛
کیلیمه سی قبول اولوندی .

ماده : ۲ اوقاف نظارتك ۱۳۳۲ سنه سی بودجه سنك یدنجی استانبول و لایقیه و لایات ساره خیرات شریفه سنك وظائف و مسایله

روولورلرک ممنوعیتی ادخال ایدلش اولویور . بو ، کچن سنه عدلیه انجمنده مذاکره ایدیلرک رد ایدلش فقط انجمنجه ردینه دأر بر قرار موقت یازلیق لازم کلیرکن ، ذهول ایدیلرک ، یازنابمشدر . بناء علیه عسکری انجمنک ، قبول ایدوبده ، شیمدی بوراده اوقونان ماده سنه قارش یرده ردی متضمن قرارنامه اولیق لازم کلیر . بونلرک ایکبسی ده آری آری اوقونسون ، هانکینسک قبول وهانکینسک رد ایدیلرکی اوصورتله تعین اینسون . اساسه کبریشمه زدن اول برکره بونی تکلیف ایدیورم . اگر بو ، اکثریجه مناسب کورولورسه تکرار قرارنامه یازلیق اوزره لایحه تک عدلیه انجمنه کوندولرسی لازمدر . بالاخره اساس حقتنده کی مطالعائی بیان ایدهرم . یوق ، بو جهت قبول ایدیلرکی بورده قرارنامه لزوم یوقدر دینله جک اولورسه او وقت اساس حقتنده کی مطالعائی عرض ایدهرم .

رئیس — عدلیه انجمنک رده دأر مضطبی وارددر . عبدالله عزمی افندی (کوتاهی) — مضطبی وار ، فقط قرارنامه سی یوقدر .

رئیس — عبدالله عزمی افندیک بومطالعه سی حقتنده براعتراض واری اقدم ، یعنی ماده تک ، عدلیه انجمنی طرفندن قرارنامه صورتیه ، ردینی آرزو ایدنلر واری اقدم ؟

حسین قدری بک (قره سی) — دون مذاکره ایدیکمزد مقدورین سیاسییه هاند بر قاتون واردی . اوقانون عدلیه انجمنجه رد ایدلری وردقرارینه اقتران ایچکسزین ، او رده هاند قرارنامه تک طرفدریاستدن تبلیغی مجلسجه قبول ایدلشدی . بوراده ، تکرار برقرارنامه قلمبه اتمق اساسی بر مسئله دکدر . بونک ایچون عدلیه انجمنه اعاده ایدلک اقتضایتمز ، بوراده مذاکره ایدلم . اصله هاند بر مطالعه لری وارسه دریمان بوپورسونلر .

محمد صادق بک (ارطغرل) — اقدم ، قاتونک عدلیه انجمنه تکرار کیتمه سی دهامناسب کوریرم . چونکه بوسلاح مسئله سی بوراده بک تجدید ایدلشد . بناء علیه بر طاقم ارباب مساعی واردرک ، قویون تاجرلکی ایدرلر ، چوبانک آرقسته اوج بیک ، بش بیک قویون بریرلر . بوبله اوفاجق سلاحه چوبانلر بونلری کتیره مزار . بونک ایچون ده اطرافلی دوشونلک اوزره قاتونک تکرار عدلیه انجمنه کیتمه سی لازمدر .

رئیس — قانون ، عدلیه انجمنه کیتش ، عدلیه انجمنی رد ایتمشدر . یالکر موضوع بحث اولان مسئله انجمن بو ردی برقرارنامه ایله تأیید اینسونی ، یوقسرد مضطبه سیله اکتفایده لمی مسئله سیدر . یالکر عدلیه انجمنک بوردی ، مضطبه ده قالیور ، برقرارنامه یوقدر ، دنیلور . علی جنائی بک (عینتاب) — شیمدی به قدر مجلسجه متخذ اصوله نظرأ ، رد حقتنده اولان تکلیف رایه قویلیور ، مجلس قول ایتمکدن سوکره قرارنامه سی دیوان ریاستجه یاییلیوردی . فقط بو یاییلان قرارنامه ، طبیعی مجلسک قرارینه استنادأ یاییلیوردی .

بو قرارلک شکلی اولجه تدوین اولونور و مجلسه عرض ایدیلرک او شکل قبول ایدیلورسه طبیعی ده ازیاده انتظام آتته آتمش اولور . اونک ایچون بنده کتیز ، قرارنامه یازیلرک مجلسه عرض ایدلمی فکر ندمم .

تحسین رضا بک (توفاد) — عدلیه انجمنی بو قانونی بملکتک خصوصیتیه غیرقابل تألیف کوردیکی ایچون رد ایتمشدی . بو کون ، بر تکلیفده بولونیلیور ، بو رد ، برقرارنامه ایله هیئت عمومییه عرض اولونمق لازم کلیر دنیلور . اوله ظن ایدیورمک بومضطبه ، ۱۳۳۱ ،

یکدیگرکله تألیف ایده جک صورتده ، بری بریرینه قارشى مساعدات متقابلهده بولونمشلردر . هر دولت ، اجنبینک وضعیت حقوقیه سی اساس اعتباریه تعین وتبیت ایتمک خصوصنده کی صلاحیتی محافظه ایتمکله برابر بتمسک هر کون تزیاید ایدن مناسبتندن متولد اهورق تسهیل ایتمک ونجارت ومعاملات بین الملله بخش استقرار ایله بیلیمک ایچون مساعدات متقابله دأرهنده بر طاقم مقاولات عقدا ایله مک ضرورتنه کیرمشدر . ایشته بزده ، دیگر مستقل دولتلر و دیگر ملتلر پیننده عقد ایدیلرکی مثللو ، شرائط متساویه ومعامله متقابله دأرهنده مناسبات حقوقیه مزى تنظیم ایتمک اوزره بوکون قونسلوسلق ، اقامت تبیه ومظاهرت عدلیه مقاله لری ایله اعاده عمرین معاهده سی امضا ایتمش بولونویورز . دولتمز خریدن اول آروپا حقوق عمومی سنک خارچنده طوتولویوردی ، قاپیتولاسیونلری الفنا ایتمکله ، بو خصوصده مساواتی اعلان ایشدیکی کبی بوکون بو مقاولاتی ، ایلمک دفعه اولیق اوزره ، شرائط متقابله ایله عقد ایتمکله حاکیت داخله وخارجیه سی تمامیه اکتساب ایتمش بر وضعیتده اولرک ، موازنه دولیده اخذ موقع ایدیور . (شدتلی آلفیشلر)

حکمداران عظامز ، بو مقاولاتک قطعی صورتده امضا ایدلمه سنه مساعدات ایتمکله میدان حربده ، مشترک مقصد اوغورنده برلکده جان ورن و بوبادره عظماده اوموز اوموزه حرب ایدرک ایکی دولت آراستنده کی اتفاقی پارلاق بر سلاح آرقدا شلیله تأییدوتأیید ایدن ایکی بویوک ملتک مناسباتی عصر لره نقل ایده جک برصمیمتله تحمیل ایشلردر . (آلفیشلر) بزیم ایچون فیاض بردوزک مبدأ کشادی عد ایدیلرک اولان بو تاریخی ، عثمانلیر تسعید ایدرکن آلمانیا حکمداری حضرتلرینک نامنیده حرمتله یاد ایده جکلردر . (آلفیشلر)

لرایع قانونیه مذاکرائی

— هزیه خاصه نام و هسابه کلرکله ایشانک کورمروک رسمنده استقامتی حقتنده لرایع قانونیه .

رئیس — رایه قویدیغمز تکلیف قانونی ، ۱۶۰ ، رأیدن ۳۰ مستنک رایه قارشى ۱۵۷ ، رای ایله قبول ایدلشد . دیکک که علیهنده هیچ رای یوقدر .

حاجی سعید افندی (ميموره العزیز) — حکومه ، فوق العاده بیان تشکرله برابر موفقیت تمی ایدهرز .

رئیس — بو باده تقریر فلان یوقدر ، بناء علیه روزنامه یه کپیورز .

— قانونیه جزایک بوز آتتمه آتشی ماده سی زینلک فقره امیره سی

معدل قرارنامه

ماده ۱ : قانون جزانک بوز آتمش آتشی ماده سنک ۶ جمادی الاخره ۱۳۲۹ تاریخی زینلک فقره اخیره سی بوجه آتی تعدیل ایدلشد : « قانون جزا اعتباریه اسلحه ممنوعه دن مقصد علی الاطلاق اسلحه امیره و حربیه ایله ناملوسی اون ساتیمترونی متجاوز اولان و یا خود چای یدی بیچ میلسترو ویا آتدن فضله بولونان روولورلردر . »

عباده عزمی افندی (کوتاهی) — اقدم ، بوماده قانونیه اسلحه ممنوعه میسانه داخل اولان و ناملوسی اون بش ساتیمترونی متجاوز بولونان روولورلر آراسنه برده ، قطعی اعتباریه بویوککی نسبتنده کی

و یکشمه یور. یالکز حکومتک تکلفنده « خزینة خاصه نام و حسابنه »
 و نیلیور. بزم انجمنر « ذات حضرت پادشاهی به وسرای هایونلرینه
 ماند اولهراق » دیمش و ماده بی تصریح ایتشار. اساساً شکل برور.
 قبول اولونه حق جهت، ماده صورتده می، یوقسه، موازنه مالیه
 انجمننک تکلیفی وجهله، موجود اولان بر قانونه فقره علاوه می
 صورتیه می در؟ اولاً، موازنه مالیه انجمننک تکلیفی رایه قویه جنم.
 حامد بك (حلب) — معلوم مالیکز بوقانون، وارداتی قسماً
 تنقیص ایدیور. وارداتی تنزیل ویا تنقیص ایدن قانونلر، نظامنامه
 داخلی موجبجه تعیین اسمی ایله رایه وضع ایدیله چکدر. اوصورتله
 رایه وضعی تکلیف ایدهوم.
 رئیس — برنجی ماده بی دکل، هیئت عمومی سنی تعیین اسمی
 صورتیه رایه قویاجنر.
 حامد بك (حلب) — اوت انقدم، هیئت عمومی سنی.
 رئیس — موازنه مالیه انجمننک تکلیفی وجهله ماده بی قبول
 ایدنلر لطفاً ال قالدیرسون:
 علیهنده بولونانلر ال قالدیرسون:
 موازنه مالیه انجمننک تکلیفی قبول اولوندی.
 ماده: ۲ اشبو فقره قانونیه تاریخ نشریدن اعتبار آمرعی الاجرادر.
 ماده: ۳ اشبو قانونک اجرانسه مالیه ناظری مأموردر.
 رئیس — بوماده لری قبول ایدنلر ال قالدیرسون:
 قبول اولوندی.
 شیمدی هیئت عمومی سنی تعیین اسمی ایله رایه وضع ایدیورم:
 (مبعوثانک اسامی اوتونور)
 رئیس — بوقلامه اشناسنده حاضر بولونانلرک اسملری برکره
 دها اوقونه حق، بولونانلر رایلری ورسونلر.
 (برنجی قرانته مجلسه حاضر بولونانلرک اسامی برده دها اوتونور)
 رئیس — رایلر تعداد اولونیور، نتیجه سنی سوکره عرض ایدهوم.
 سیاسیات

— آلتایا دولتی ایدر معاصره متقابل اساسی اوزرینه قونولوسلر،
 اقات بعر مظاهرت هر لیمقار ناملری را عاده مجربین معاصره نامرینک
 اعضا لاری هیئت معاصره ناملری خلیل بك انقیرنک یانی
 خارجه ناظری خلیل بك (منتشا) — انقیدلر، ملنک و هیئت
 جلیه کزک بویوک بر آرزو ایله اکلکه منتظر اولدینی امر مهم، بوکون ختامه
 ایرمش، یعنی متفق معظلمز آلتانیدولت فحیمه سیله مناسبات حقوقیه می،
 آوروپا حقوق دولی و معاصره متقابل اساسی داتره سسنده تنظیم ایتک
 اوزره بر سنی متجاوز بر زماندن بری مذاکره لینه ایتدار ایدلش
 اولان مقاولاته امضای قطعی لری وضع ایدلشدر. (سورکلی آلتیشلر)
 بوحادثه نك، دولتک حیات استقلالنه تعلق اعتباریه بزه اهمیتی
 پک عظیمدر. معین بر حدوده، میلیونلرجه اهالی به، خصوصی بر
 باراغه، حتی حکمدارینه مالک اولوق بیله بر ملته نام استقلالنی بخش
 ایدمه یور. حاکمیتی، داخله و خارجه قارشی تمامیه احساس و انفاذ
 قدرتیه درکه بر دولت حائز استقلال اولویور. حاکمیت داخله، باشلیجه
 دیله دیکی کی قانون یاقی و یاپیلان قانونلری برلی به واجبی به سیاناً
 تطبیق و انفاذ ایدمه یلمک صورتیه تجلی ایدیور. معلوم مالیکز درکه

حردن مقدم انجیلر قانون و محکمه لر مز نزدیکه ریلره نسبتله ممتاز
 بر موقده بولونویوردی. حقوق بین الدول موجبجه خارجه از مملکت
 امتیازی یالکز سفرا به و اولونه مربوط اولان مامورین سیاسی به منحصراً
 ایکن، بزده مضر بر تعامل نتیجه سنده، قونسلر سده بو امتیاز ایدن
 تمامیه مستفید بولونویوردی. حتی جنایت دخی ایشله سله توقیف و حبس
 ایدیله مملکت لری کی علیه لرنده صادر اولاجق حقوق و املاک دعوا لرینک
 اعلام لری بیله کندیلرینه قارشی انفاذ ایتک میسر اولویوردی.
 بوندن ماعدا بیلیر سکرکه، نیمه لرینه ماند تمقییات و تحریاتده و محاکمه
 اشناسنده قونسلر سکرکه حضور لری شرط کورولو یوردی. انجیلرک
 بنتده مملکت دعوا لر، دولتک محکمه لرنده کورولمک لازم کیلر ایکن قونسلر
 محکمه لرنده کورولو یور، حتی تبعه عثمانیه ایله انجیلر آرا سنده وقوع بولان
 دعوا لرده دخی، ینه انجیلر بعض امتیازاتی حائز بولونویوردی. حقوق
 و جزا دعوا لرنده تر جانلر حاضر اولدینی کی ینه بیلیور سکرکه انجیلر
 علیه نده وقوع بولاجق آله حق دعوا لرندن بیک غروشدن زیاده اولان
 دعوا لرله ایجار و استیجار دعوا لرندن ماعدا سی، اجنبی اعضا لر ایله عثمانی
 اعضا لر دن مرکب مختلط بر محکمه طرفندن رؤیت ایدیور دی. انجیلر
 سائر خصوصاً دهده بر طاق امتیازاتی حائز دی. بولری بوراده تعداد
 و تفصیل ایدرک هیئت جلیه لری تطویل مقال ایله ازجاج ایتک
 ایسته م. بولنر، طبیعی معلومدر.
 قاپیتولاسیونلرک، خصوصیه اقتصادی قسماً مملکتک تر قیاتی اوزرنده
 مدھش تحریکات یاپیور، عادتاً مملکتده حیات صنایعی اولدیور
 و زراعتک انکشاف و تر قیسی توفیق و تمطیل ایدیور دی. دولتک متفاوت
 ترفه لرله تجارت معاهده نامی عقد ایدمه می و رسوم داخله
 و انحصار و ضندن منع بولونامی، حکومتی، مصارف دولتی نهاد یا خارجی
 استقرار له قایمق ضرورتنده راقیور دی. پادشاهنر انقدمز حضرت لری،
 قاپیتولاسیونلرک الناسی فرمان بویور مقوله دولتی بوقتیدات و تحریکات
 مضره دن تخلیص بویور دیلر. حکومتده بوکون، آوروپا حقوق دول اساسی
 داتره سنده تنظیم و عقد ایدیلن مقاولات ایله بونشبت خیری انعام ایدیور.
 حاکمیت داخله، حکومتک قانونلری اجنبی تبعه به سیاناً تطبیق
 ایدمه یلمک صورتیه تجلی ایدینی کی حاکمیت خارجه ده، باشلیجه شرائط
 متساویه ایله معاهدات و مقاولات عقد ایدمه یلمک صورتیه نظر ایدیور.
 قانون، شمول حکمی اعتباریه بر قاج دوره کچردی. برنجی
 دوره قرون وسطی اوائلنه مخصوص اولان دوره درکه اوندک قانون
 دوفروردن دوفر و به شخصه مربوط ایدی و شخص هر زده بولونورسه
 بولونسون کندی دولتک قوانینی وجهله محاکمه ایدیور ایدی. قرون
 وسطی اوائلنه ماند اولان زمانده انجیلرک بر مملکتده کی وضعیت
 حقوقیه سی بوسورتله تعیین ایدیور دی. بزده کی قاپیتولاسیونلرده بوردک
 قیبه آتاردن باشقه برنجی دکل ایدی. فقط بالاخره حقوقک داتره
 صلاحیتی دولتک حدود لرله تحدید ایدلدی. بو، مناسبات و مبادلات
 بین المللک محدود و موقوف اولدینی زمانلرده اودرجه ضرر کی محسوس برتدیور
 دکل ایدیه ده بالاخره مخاربات و مناقلاتک توسی و بخار و الکترینیق
 کی قوای طبیعه نك صنایعه تطبیق ایله مناسبات و مبادلات بین الملل
 فوق العاده تر ایدیش و بونک نتیجه سی اولهراق دولتلر بر طاقم
 احتیاجات جدیده قارشینده بولونشلدر. بو احتیاجاتی تطمین ایتک
 ضرورتیه هر دولت کندی حاکمیتی ایله انجیلنک تابع اولدینی حاکمیتی

عسکری تقاعد واستعفا قانونک برنجی ماده سزیه و توبیخ قانونیه
موازنه مایه انجمنک تکلیف

ماده : ۱ عسکری تقاعد واستعفا قانونک برنجی ماده سنه
فقره آیه ذیل ایدلشدر :

« ۱۳۳۲ سنه سنده پاییلان تشکیلات جدیده موجبجه درت سنه
مکتب فنون بحریه شاهانه و ایکی سنه تعلیم سفینه نرند اکال تحصیل
ایدرك نشأت ایدن ضابطانک مبدأ خدمت عسکره لری تعلیم سفینه سنه
تقلری تاریخندن اعتبار اولنور.»

رئیس — موازنه مایه انجمنک تعدیل ، « تشکیلات جدیده
موجبجه ... الخ فقره سنک اوله « ۱۳۳۲ سنه سنده پاییلان » قیدینک
علاوه سندن عبارتدر .

حسین قدری بك (قره سی) — عسکری انجمنی ، بو قیدی
قبول ایدیور اقدم .

رئیس — ماده بی بصورتله قبول ایدرك ایکنجی ماده به کیلمه سی
آرزو ایدنر لطفاً ال قالدیرسون :
قبول اولوشدر .

ماده : ۲ اشبو قانون تاریخ نشرندن اعتباراً مرعی الاجراد .
ماده : ۳ اشبو قانونک اجرا سنه بحریه و مایه ناظر لری مأمورد .

رئیس — قانونک برنجی مذاکره سی کافی کورنر لطفاً ال قالدیرسون :
کافی کورلدی اقدم .

ضابطانک و منسوبین عسکرینک وظیفه و یا حرب درو بیسیر
تلف و ضایع اولده میوانتک صورت تعیینی مقننه قرارنم

ماده : ۱ ضابطان و منسوبین عسکرینک خدمت عسکریه
آشناسنده و محاربه و یو وظیفه دولایسیله تلف و یا ضایع اولان یا خود
رکوبه غیر صالح بر حاله کلن حیوانلری نظاماً مخصوصنده معین
اعظی قیمتلر مجاوز ایدلمک شرطیه طرف دولتندن تضمین اولونور .

رئیس — عسکری انجمنی ، « وظیفه و یا حرب دولایسیله » یرنه
« و یا وظیفه دولایسیله » صورتنده تعدیل ایدرك دهازاده تشمیل ایدیور .

تخصین رضابک (توفاد) — بورادک « دولایسیله » عباره سی
بر آرز ایضاح ایدر لری اقدم ؟ « وظیفه » مطلق اوله رق ذکر ایدیلرسه
کافیدر ، « دولایسی » ندر ؟

حسین قدری بك (قره سی) — وظیفه ایله مشغول ایکن و وظیفه
ایله بر یره کیتدیکی زمان حیوانک دوچار ضیاع اوله سندن عبارتدر .
تخصین رضا بك (توفاد) — « دولایسیله » کلمه سی هر حاله
دو قری دکل .

رئیس — بر تقریر و یرسه کز رایه قویارم .
« دولایسی » کلمه سی زائد اولقله طبعی تکلیف ایلرم .

توفاد میون
تخصین

حسین قدری بك (قره سی) — ماده نک ایلك قسمنده « خدمت
عسکریه آشناسنده » دنیلیور . اگر ماده دن « دولایسیله » کلمه سی طی
ایدیلرسه یالکز « خدمت عسکریه آشناسنده » قیدی قابل حال بوکه ،

بونکده خارجنده بر وضعیت واردر . کرک کشف و کرک امر برك
وظیفه سیله بر ضابط ، باشقه بر مقدمه ، منفرد بولونیرکن حیوانتی
شدت شتایه قارشى حایه ایدمک بر حاله قویه ماز . وظیفه دولایسی
بودر . حیوانک حفظی کندسی ایچون غیر میکندر . اوراده صوغوق
آلتی صورتیه حیوانک تلف اولماسی ، وظیفه دولایسیله کندسی
ید اختیارنده اولمایان بر سبب و حال ایجابی اوله رق واقع اولشدر .
شوحال ، وظیفه عسکریه آشناسنده دکل ، یالکز وظیفه دولایسیله در .
« دولایسیله » کلمه سی قالدیره جق اولورسوق ، بو کجی وضعیتلرده ،
فوق الاماده خدمت آشناسنده ، متفرق پرلده ضیاعه اوغرا یه جق اولان
حیوانتی تضمین ایدمه به چکز . او وقت کلیت و وظیفه کله لری
قالدیروب خدمت عسکریه بی بر افاق لازم کله رگه حتمسز اولور .

رئیس — تخمین بک تقریر بی نظر اعتباره آلانلر لری قالدیرسون :
نظر اعتباره آنادی .

عسکری انجمنک تعدیل وجهله ماده بی قبول ایدنر لری قالدیرسون :
علیهنده بولونانلر ال قالدیرسون :
قبول ایدلشدر .

ماده : ۲ تضمین اولونان حیوانات سار اموال امیره حقتده
جاری اولان اصول دائره سنده ساتیلوب اثباتی ایراد قید اولونور .
شوقدرکه بونلردن رکوبدن غیرى ایشاره الیریشلی کورنرانلر قیمت
مقدره لری تخصیصاته محسوب ایدمک شرطیه قطعه به ترک ایدیلر .

رئیس — اوچنجی ماده به کیلمه سی قبول ایدنر لری قالدیرسون :
قبول ایدلشدر .

ماده : ۳ اشبو قانون تاریخ نشرندن اعتباراً مرعی الاجراد .

ماده : ۴ اشبو قانونک اجرا سنه بحریه و مایه ناظر لری مأمورد .
۲۷ جدای الاخره ۱۳۳۴ ۱۷ نیسان ۱۳۳۲

رئیس — قانونک برنجی مذاکره سی کافی کورنر لری قالدیرسون :
قبول اولوندی .

پنجشنبه روزنامه سی اوقویوروم [رئیس بك اقدسی انقاد آتی
روزنامه سی اوقور] پنجشنبه کونی بعد الظهر ساعت ایکده اجتماع ایتمک
اوزره مجله ختام و یریسورم .

ختام مذاکرات

دیه ۳۰
ساعت ۳

[خزینه خاصه نام و حسابنه کله جک ایشانک کورمروک رسندن
استثناسی حقتده کی لایحه قانونیه نک تعیین اساسی ایله رایه وضعی]

ایکی دفعه وقوع بولان قرائت نتیجه سنده مذکور لایحه بی
قبول ایدنرک اساسی

آرتین اقدسی (حلب) آصف بك (وان) آما اوغلی احمد بك (قره
حصار صاحب) آغوب خیرلایان اقدسی (مرعش) آناستاس اقدسی (ایزمیت)
آناستاس اقدسی (نیکده) ابواللا بك (نیکده) احسان بك (مارون)
احمد اقدسی (حلب) اسماعیل بك (قسطنطنی) امانولیه اقدسی (آیدین)
اورقانیدیس اقدسی (استانبول) اوسبمدیان اقدسی (ارضروم) اونک احسان
اقدسی (ازمیر) بابان زاده حکمت بك (سیلایه) بدیع المؤید بك (شام)
مستوفی اقلیدیس اقدسی (تکفورطانی) توفیق بك (بغداد) توفیق الحلال بك
(کرک) توکیدیدیس اقدسی (چانچا) زوت بك (طرزون) حاجی ابراهیم

سنى تشرین قانینسك ۲۲، نجى كوتى تنظیم ایدلش اولدیقندن ، اوقت بوله قرارنامه تنظیمنه لزوم كوروله بوردى . بزده ، اونك ایچون قرارنامه یازماق . فقط ، مجلس عالی بالاخره بوصورتله برقرار اتخاذ ایتشدر . ذاتاً ، عدلیه انجمنی ، بومستله حقتده كى نقطه نظرى شومضبطه ایله بیلدیریش وردی قرار كبر اولمشدر . شیمدی ، بوكاترکار برقرارنامه بائق ولو قرارنامه ایله جلسه سوق ایتك دوغرى دكلدر ظن ایدهرم .

رئیس — مساعده كزله اقدم مسئله برأیه قویاجم . قرارنامه یازلق اوزره لایحه نك عدلیه انجمنه كیتمه سنى قبول ایدنلر لطفاً ال قالدیرسون :

انجمنه كیتمه سنى ، یعنی همان شمدی اساسه كبریشیله رك مذاكره ایدله سنى قبول ایدنلر لطفاً ال قالدیرسون :

تردد ایدیورم ، مساعده كزله ، لایحه قالمق صورتیه ، تکرار رأیه قویاجم . قرارنامه یازلق ایچون لایحه نك عدلیه انجمنه كیتمه سنى آرزو ایدنلر لطفاً لایحه قالسونلر :

اوپوریکر اقدم . عدلیه انجمنه كیتمه سنى قبول ایدنلر لطفاً لایحه قالسونلر :

اکثریت ، عدلیه انجمنه كیتمه سنده در اقدم .

— مکتب هریدونه باشرادنامه نشأت ایدنلرک ضابطه کیلی عنوانید قطعه صورت استمد امرینه متدار اولوب مجلس اعیانه نصدیه اعاده قیانه لایحه قانونیه اوزرینه عسکری انجمنی مضطبی

مجلس مبعوثانجه قبول اولان شکل

ماده : ۴ عسکری تقاعد وخرجراه قانوننامه لریك ضابطه دأر اولان احکامی ضابط وکیللری حقتده دخی تمامیه جاریدر .

مجلس اعیانك تکلیف

ماده : ۴ ضابط وکیللری ضابطانك تابع اولدقلری باجله قوانین و نظامات احکامه تابعدرلر .

عسکری تقاعد وخرجراه قانوننامه لریك ضابطه دأر اولان احکامی ضابط وکیللری حقتده دخی تمامیه جاریدر .

عسکری انجمنك تکلیف

ماده : ۴ ضابط وکیللری ضابطانك تابع اولدقلری باجله قوانین و نظامات احکامه تابعدرلر .

رئیس — مجلس اعیانك تمعدیلنی ، عسکری انجمنی ده قبول ایدیورم . باشقه بر مطالعه وارمی اقدم ؟

حریه نظری نامنه حریه نظارتی مستشار معاونی میر آلاى فخرالدین بك — اقدم ، دردنجی ماده ، بوصورتله تمعدیل اولونورسه ، ایکنجی ماده نكده تمعدیل ایجاب ایدر . چونكه ، بوراده ضابط وکیللری ضابطانك تابع اولدقلری باجله قوانین و نظامات احکامه تابعدرلر ، دییه قبول اولونورسه ایکنجی ماده ده موجود اولان «كوچوك ضابطاندن معدوددر» جمله سته محل قالااز .

رئیس — اوحالده بونی قبولی ایدیورسكز ، ردی ؟

میر آلاى فخرالدین بك — بونی ، قبول ایدهرز . یالکز ایکنجی ماده نك تمعدیل ایله برابر .

رئیس — ایکنجی ماده بوراده بوقدره ، اولجه قبول اولونمش ، بیتمشدر . میر آلاى فخرالدین بك — بو ماده ، اونكی ماده ده مخالف دردنجی ماده بوصورتده قالیسه ایکنجی ماده ده مخالف اولویور .

رئیس — انجمنه كوروشدیکرمی ؟

عسکری انجمنی مضطبه محرری حسین قدری بك (قره سى) — اساساً بو تمعدیلاته حامد بر تکلیف قانونیلری وارددر . بونكه اونق شرح ایتك ایستدك ، یعنی هر ایکیسنی بوراده شرح ایتك آرزو ایتدك . فقط هیئت عمومیه ، اولا برنجی و ایکنجی ماده لری قبول ایتش اولدینى ایچون ، اوماده لرتکرار مذاكره قونولادی . یالکز بوردنجی ماده ده اعیان ایله اولان اختلاف اوزرینه بیان مطالعه ایتدك . آكر هیئت محترم مساعده ایدهرسه حكومتك بونتمعدیل تکلیفی ، دیگر بر لایحه ایله برابر ، انجمنده تکرار تکلیف ایدیه بکنه هیئت آریجه اولایجه ایله اشغال ایدیه بکنه حكومتك اولایجه ده كى نقطه نظری نه ایسه ، اونكه توحید ایتدك اوزره بونك انجمنه حواله سنى رجایده رم . حامد بك (حلب) — مساعده بوپوریلورمی اقدم ؟ اولجه هیئت محترمجه قبول ایدلش و هیئت محترمجه اکتساب قطیعت ایتدكدن سوكره مجلس اعیانه كیتش بر قانون وارددر . اوقانونك ایكى ماده سى قبول ایدلشدر ، بر ماده سى ده اعیانجه تمعدیل اولونارق مجلس مبعوثانه اعاده ایدلشدر . حال بوكه بو تمعدیل قبول ایدلدیكى تقدیرده ایکنجی ماده نكده تمعدیل لازم كله بکنی حكومت بیان ایدیورم . او ماده ایسه بوكون ، اکتساب قانونیت ایتشدر . بنده كزك مطالعه مه كوره لایحه قانونیه ، انجمنه اعاده ایدلسون ، حكومت یکیدن بر تکلیف قانونیده بولونسون ، او قانون ایله بکی تکلیفك هر ایکیسینى بالتوحید نظر دقه آلتهرق اوصورتله بکی بر تکلیف قانونی بایلسون . بنده كز بوقرکده ایم .

رئیس — بویاده باشقه بر مطالعه وارمی اقدم ؟

حیدر بك (قونیه) — هیئت مبعوثان و اعیانجه قبول ایدلش اولان و قطیعت اکتساب ایتش بولونان قانونلرک ، آراسندن آتی آی كجه دن اول ، تکرار بوصورتله تمعدیل نظامنامه دخلی منافیدر . بو قابل اوله ماز . رئیس — او ، رد اولونانلر حقتده در . بخصوص بوراده كى اختلاف ، شكله حامددر . بو ماده قبول اولوندینى تقدیرده ، قانونك یوقاریكى ماده لرخنده بو اساس اوزرینه تصحیح ایتك لازم کلیر . ناصلکه ، بر ماده نك نوموروسى دكیشه جك اولورسه یوقاریكى نومورولری ده دكیشدرمك لازم کلیر . بناء علیه بونلر حقتده بر قرار اتخاذ ایتك اوزره لایحه نك انجمنه حواله سنى قبول ایدیورسكز لطفاً ال قالدیریکز :

قبول ایدلشدر .

— مکتب هریدونه باشرادنامه نشأت ایدنلرک قطعه صورت توزیع واستمد امرینه دأر اولوبه قانونه مرتك برنجی ماده سنى معصل قرارنامه رئیس — انجمن ، بو قرار موقی رد ایتشدر . بو یاده طرف حكومتدن بر مطالعه وارمی اقدم ؟

میر آلاى فخرالدین بك — هیئت عمومیه نك تمعدیل بونی جامعدر . بوراده یالکز ، سفر لرکدن ماعدا احوال ، قبول ایدلشدر . ذاتاً بونك برنجی ماده سى بوکاشمولیدر . بناء علیه بوقانونك ردی قبول ایدیه بیلیرم .

رئیس — ذاتاً ، حكومتجه ردی قبول ایتك ، قانونی كری آلتی دیکدر . قانونك ردی قبول ایدنلر لطفاً ال قالدیرسون :

قبول اولوندى .

